

# Treguesit demografikë

## Tremujori III – 2020


**Tiranë, më 12 nëntor 2020:** NUMRI I LINDJEVE DHE VDEKJEVE GJATË TREMUJORIT TË TRETË 2020 MUND TË MOS REFLEKTOJË REALITETIN, PASI PËR SHKAK TË SITUATËS SË COVID-19, MOSRAPORTIMET NËPËR ZYRAT E GJENDJEVE CIVILE NË TË GJITHË SHQIPËRINË, PËR NUMRIN E LINDJEVE DHE VDEKJEVE MUND TË MOS JENË REFLEKTUAR NË REGJISTRAT PËRKATËS. KËSISOJ, TË DHËNAT DO TË JENË OBJEKT RISHIKIMI PËR 2020 DHE DO TË RIVLERËSOHEN.

Numri i lindjeve për tremujorin e tretë 2020 është 7.386, duke shënuar një rënie me 4,6 %, krahasuar me tremujorin e tretë 2019.

Numri i vdekjeve për tremujorin e tretë 2020 rezulton 6.294, duke shënuar një rritje prej 25,7 %, krahasuar me tremujorin e tretë 2019.

Gjatë tremujorit të tretë 2020, numri i lindjeve tejkalon me 1.092 numrin e vdekjeve.

Fig. 1 Shtesa natyrore e popullsisë




\*\*Të dhëna paraprake

Në tremujorin e tretë 2020, shtatë qarqe të vendit kanë shënuar shtesë natyrore pozitive të popullsisë, ndërsa në pesë qarqe, shtesa natyrore e popullsisë ishte negative.

Në tremujorin e tretë 2020, vlera më e lartë e shtesës natyrore regjistrohet në qarkun e Tiranës, ku numri i lindjeve tejkalon me 778 numrin e vdekjeve, ndërsa ajo më e vogël regjistrohet në qarkun e Korçës, ku vdekjet tejkalojnë me 113 numrin e lindjeve.

Fig. 2 Lindjet, vdekjet dhe shtesa natyrore sipas qarqeve, T3 -2020\*\*



\*\*Të dhëna paraprake

### Lindjet

Në tremujorin e tretë 2020, vetëm një qark i vendit ka shënuar rritje të numrit të lindjeve, në krahasim me të njëjtën periudhë të vitit 2019, ndërsa në njëmbëdhjetë qarqet e tjera shënohet rënie.

Në tremujorin e tretë 2020, numri më i madh i lindjeve regjistrohet në qarkun e Tiranës, me 2.484 lindje, ndërsa ai më i vogël në qarkun e Gjirokastrës, me 143 lindje.

Rritjen më të madhe në përqindje të lindjeve, gjatë tremujorit të tretë 2020, krahasuar me të njëjtën periudhë të vitit 2019 e ka qarku i Gjirokastrës me 17,2 %, ndërsa rënien më të madhe e ka qarku i Vlorës, me 25,2 %.

**Tab. 1 Lindjet sipas qarqeve**

Nr.	Qarku	III - 19	IV - 19	I - 20**	II - 20**	III - 20**
	<b>Shqipëria</b>	<b>7.739</b>	<b>7.910</b>	<b>6.126</b>	<b>6.124</b>	<b>7.386</b>
1	Berat	322	316	246	231	280
2	Dibër	424	416	298	364	421
3	Durrës	842	866	649	633	792
4	Elbasan	762	761	594	592	689
5	Fier	694	755	556	554	679
6	Gjirokastrë	122	160	91	121	143
7	Korçë	461	439	380	425	460
8	Kukës	279	316	146	170	246
9	Lezhë	358	362	314	277	349
10	Shkodër	502	557	422	397	488
11	Tiranë	2.509	2.525	2.059	1.973	2.484
12	Vlorë	437	397	284	286	327
	<i>Të panjohur*</i>	27	40	87	101	28

\*Kategoria "Të panjohur" nënkupton numrin e lindjeve të gjalla, për të cilat informacioni i qarkut ku është regjistruar lindja mungon<sup>1</sup>

\*\*Të dhëna paraprake

## Vdekjet

Në tremujorin e tretë 2020, në të dymbëdhjetë qarqet e vendit shënohet rritje e numrit të vdekjeve, në krahasim me të njëjtën periudhë të vitit 2019.

Në tremujorin e tretë 2020, numri më i vogël i vdekjeve regjistrohet në qarkun e Kukësit, me 138 vdekje, ndërsa ai më i lartë në qarkun e Tiranës, me 1.706 vdekje.

Rritjen më të vogël në përqindje të vdekjeve, gjatë tremujorit të tretë 2020, krahasuar me të njëjtën periudhë të vitit 2019 e ka qarku i Vlorës, me 2,6 %, ndërsa rritjen më të madhe në përqindje e ka qarku i Lezhës, me 46,4 %.

<sup>1</sup> Shiko metodologjinë në linkun në vijim:

<http://www.instat.gov.al/al/temat/treguesit-demografik%C3%AB-dhe-social%C3%AB/lindjet-vdekjet-dhe-martesat/#tab4>

**Tab. 2 Vdekjet sipas qarqeve**

Nr.	Qarku	III - 19	IV - 19	I - 20**	II - 20**	III - 20**
	<b>Shqipëria</b>	<b>5.006</b>	<b>5.421</b>	<b>6.115</b>	<b>4.989</b>	<b>6.294</b>
1	Berat	258	262	357	254	295
2	Dibër	224	219	230	193	259
3	Durrës	437	579	526	445	588
4	Elbasan	499	460	618	496	599
5	Fier	577	569	692	537	656
6	Gjirokastër	179	191	214	177	202
7	Korçë	451	513	628	472	573
8	Kukës	132	124	134	117	138
9	Lezhë	207	251	283	249	303
10	Shkodër	408	442	479	417	577
11	Tiranë	1.246	1.378	1.499	1.264	1.706
12	Vlorë	380	430	454	366	390
	<i>Të panjohur*</i>	8	3	1	2	8

\*Kategoria "Të panjohur" nënkupton numrin e vdekjeve për të cilat informacioni i qarkut ku është regjistruar vdekja mungon

\*\*Të dhëna paraprake

# Metodologjia

Të dhënat tremujore për lindjet dhe vdekjet, në nivel kombëtar dhe qarku përbëjnë një hallkë të rëndësishme të demografisë së vendit. Ato paraqesin të dhëna mbi ndryshimet në popullsi, të cilat kanë impakt në jetën ekonomike dhe sociale të vendit. Këto të dhëna publikohen mbështetur në Programin e Statistikave Zyrtare 2017-2021.

## Lindjet

### *Të dhënat e lindjeve:*

Të dhënat e lindjeve sipas gjinisë sigurohen nga Drejtoria e Përgjithshme e Gjendjes Civile, e cila dërgon në INSTAT vetëm numrin e lindjeve të banuesve në Shqipëri.

Konsiderohen të gjitha lindjet e banuesve në Shqipëri gjatë periudhës referencë, duke mos marrë parasysh lindjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile, pranë ish-vendbanimeve të tyre.

INSTAT, sipas metodologjisë që ndjek numëron numrin e lindjeve sipas datës së ndodhjes së ngjarjes dhe jo sipas datës së regjistrimit të kësaj ngjarjeje në zyrat e gjendjes civile.

### *Regjistrimet e vona të lindjeve*

Kryhet një rregullim i vogël i numrit të lindjeve që regjistrohen vonë për vitin aktual, në mënyrë që të përfshijmë të gjitha lindjet e ndodhura në periudhën referencë.

Numri i lindjeve të regjistruara vonë në vitin e mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të lindjeve nuk ndryshon shumë nga viti në vit.

## Vdekjet

### *Të dhënat e vdekjeve*

Të dhënat e vdekjeve sigurohen nga Drejtoria e Përgjithshme e Gjendjes Civile, sipas karakteristikave bazë demografike.

Konsiderohen të gjitha vdekjet e banuesve në Shqipëri gjatë periudhës referencë, duke mos marrë parasysh vdekjet e banuesve jashtë Shqipërisë (emigrantëve), edhe pse mund të regjistrohen në zyrat e gjendjes civile pranë ish-vendbanimeve të tyre.

INSTAT, sipas metodologjisë që ndjek numëron numrin e vdekjeve sipas datës së ndodhjes së ngjarjes dhe jo sipas datës së regjistrimit të kësaj ngjarjeje në zyrat e gjendjes civile

*Regjistrimet e vona të vdekjeve*

Bëjmë një rregullim të vogël të numrit të vdekjeve që regjistrohen vonë për vitin aktual, në mënyrë që të përfshijmë të gjitha vdekjet e ndodhura në periudhën referencë.

Numri i vdekjeve të regjistruara vonë në vitin e mëparshëm janë konsideruar si një proxy për regjistrimet e vona të vitit aktual, duke konsideruar supozimin (si rezultat edhe i analizave tona të vazhdueshme) që numri i regjistrimeve të vona të vdekjeve nuk ndryshon shumë nga viti në vit.

**Përkufizime:**

*Shtesa natyrore e popullsisë:* Shpreh rritjen/rënien e popullsisë, si rezultat i proceseve biologjike (lindjeve dhe vdekjeve) të saj gjatë një periudhe kohe.

Ky tregues shprehet si diferencë ndërmjet lindjeve dhe vdekjeve.

*Lindje e gjallë:* Lindjet e fëmijëve që shfaqën shenja jete.

*Vdekje:* Nënkupton zhdukjen e përhershme të të gjitha shenjave të jetës, në çdo kohë pasi ka ndodhur një lindje e gjallë (ndërprerjen e funksioneve vitale, pa aftësinë e ringjalljes).